

# PM tak perlu layan permintaan

## BERSATU

w/d: 18

RH- 6/7/2022

**Kuala Terengganu:** Perdana Menteri tidak perlu melayan permintaan Tan Sri Muhyiddin Yassin melantik pemimpin BERSATU sebagai Timbalan Perdana Menteri.

Sebaliknya, Datuk Seri Ismail Sabri Yaakob mesti memberi tumpuan memulihkan ekonomi negara dan menyelesaikan masalah kenaikan harga barang.

Setiausaha Badan Perhubungan UMNO Terengganu, Datuk Rozi Mamat, berkata sekarang bukan masa sesuai untuk Ismail Sabri menambah jawatan dalam Jemaah Menteri dengan melantik Timbalan Perdana Menteri.

Katanya, Ismail Sabri tidak perlu tunduk kepada Muhyiddin dan Angkatan Bersatu Anak Muda (ARMADA) BERSATU, yang lebih mengutamakan jawatan daripada membantu kerajaan menyelesaikan masalah ekonomi dan rakyat yang semakin terbeban, susulan kenaikan harga barang.

“Sepatutnya pelantikan Timbalan Perdana Menteri dibuat Muhyiddin ketika dilantik sebagai Perdana Menteri selama 18 bulan, mulai Mac 2020,” katanya.

+ Sabtu lalu, Muhyiddin yang juga Pengerusi Perikatan Nasional (PN) dilaporkan berkata, beliau bertemu Ismail Sabri untuk meminta pelantikan jawatan Timbalan Perdana Menteri.

“Sekarang bukan masa sesuai untuk Ismail Sabri menambah jawatan dalam Jemaah Menteri dengan melantik Timbalan Perdana Menteri”